



## ČUVAJ ALLAHA - ČUVAĆE TE

Prenosi se od Abdullaha b.

Abbasa, radijallahu anhu, da je jednom prilikom bio iza Allahovog Poslanika, sallallahu alejhi we sellem, pa mu je rekao: **"O dječaće, podučiću te ovim riječima: Čuvaj Allaha - On će tebe čuvati, čuvaj Allaha - naći ćeš Ga ispred sebe, kada moliš - moli Allaha, kada budeš tražio pomoć - traži je od Allaha i znaj da kada bi se svi ljudi sakupili da ti pribave kakvu korist ne bi ti je donijeli osim ono što je Allah odredio, a kada bi se sakupili da ti nanesu kakvu štetu, ne bi ti nanijeli štete osim onoliko koliko ti je Allah propisao. Podignuta su pera, a osušile se stranice"**[\[1\]](#).

**Propisi koji se izvlače iz hadisa su sljedeći:**

- Neophodno  
je djeci usaditi ispravno vjerovanje.
- Potrebno  
je biti blag prilikom upućivanja savjeta i bitno je da savjet ne bude dug kako se ne bi zaboravio.
- Blagost  
prema mališanima je sunnet (praksa) Allahovog Poslanika, sallallahu alejhi we sellem.
- Zaista  
će nagrada biti shodno djelu. Ona osoba koja čuva Allaha, tj. Allahove granice, i Allah će nju čuvati, ko pomogne Allaha, i Allah će njemu pomoći, a ko bude molio Allaha, Allah će mu se odazvati.

- Pokornost  
je jedan od najvećih uzroka upute, Allahove pomoći i izbavljanja iz teških situacija.
  - U  
hadisu je smjernica da se okrenemo Allahu tražeći od Njega pomoć, da molimo i tražimo od Njega, kao i zabrana da molimo ikog drugog za nešto što nam samo Allah može dati.
  - I  
korist i šteta je u Allahovim rukama a ne u rukama ljudi, Allah je uzrok svih uzroka, Slavljen neka je On.
  - Oslanjanje  
na Allaha je osnova vjerovanja u Allahovo određenje.
- 

<sup>[1]</sup> Hadis bilježi Tirmizi.